

Vatan mehri bilan yashamoq – eng oliy baxt!

Bo'stonliq OVOZI

Gazeta 1936-yil 18-iyundan chiqqa boshlagan

TURIZM

Туризм қўмитаси томонидан Уммон Султонлигида ўтказилган “Ўзбекистон – Уммон” туризм форуми доирасида “Ўзбекистон – Ипак йўли дурдонаси” тақдироти бўлиб ўтди.

Ипак йўли дурдонасининг янги имкониятлари



Унда Ўзбекистоннинг бой тарихий мероси, дунёга машхур маданий обидалари, миллий хунармандчилиги ва гастрономик анъаналари ўз аксини топди. Меҳмонлар Самарқанд, Бухоро, Хива, Тошкент каби шаҳарларнинг ноёб сайёҳлик манзаралари билан танишиш имконига эга бўлдилар.

Тадбирнинг амалий қисми сифатида “B2B” ва “G2B” форматдаги учрашувлар ташкил этилди. Унда ўзбек ва уммонлик туризм компаниялари ва давлат идоралари вакиллари ўзаро ҳамкорлик йўналишлари



ни муҳокама қилиб, хизматлар алмашинуви, турпакетлар ишлаб чиқиш ва биргаликда маркетинг стратегияларини амалга ошириш бўйича музокаралар олиб бордилар. Бу эса икки давлат ўртасида барқарор ва самарали туристик алоқаларнинг ривожланишига хизмат қилади.

BIZNING AXBOROT

Ободлик кўнгилдан бошланади

Туман Ободонлаштириш бошқармаси ҳамда туман йўллардан фойдаланиш унитар корхонаси ходимлари томонидан асосий йўл ёқаларида кенг кўламли ободонлаштириш ишлари амалга оширилмоқда.

Хусусан, йўл бўйларига ёввойи ўт-ўланлар ва турли чиқиндиларни тозалаш ишлари олиб борилмоқда. Шунингдек, “Яшил макон” умуммиллий лойиҳаси доирасида экилган дарахт кўчатларини суғориш тадбирлари ташкил этилган.

Туман ҳокими Ж.Ахмедов мазкур ишлар жараёнини жойига чиққан ҳолда кўздан кечирди ва мутасаддиларга зарур кўрсатмалар берди.



Bo'stonliq
tumanining
ijtimoiy-siyosiy
gazetasi

№ 24-25 (7359-7360)

2025-yil 12-iyul

Shanba

Obuna – 2025

**Siz gazetaga obuna
bo'ldingizmi?**

Hurmatli mushtariylar!
«Bo'stonliq ovozi» gazetasiga
2025-yil uchun obuna
davom etayotganligini
ma'lum qilamiz.

Obunani bevosita
tahririyatda
rasmiylashtirishingiz
mumkin.

Nashr ko'rsatkichi – 290

“DOLZARB 90 KUN”



Соғлом турмуш

тарғиботи сари

2-бет



“MA'RIFAT VA SAXOVAT KARVONI”

“Думалоқ” маҳалла фуқаролар йиғини ҳудудида жойлашган “Истиқлол” маданият марказида “оғир” тоифадаги маҳаллаларда яшовчи аҳолининг томорқаларидан унумли фойдаланиш, сердаромад экинлар экиш орқали йил давомида 2-3 марта ҳосил олиш имкониятлари, шунингдек, такрорий экинлар экиш зарурлигига бағишланган кўргазмали-амалий семинар ўтказилди.



Ижтимоий ҳимоя кўлами кенгаймоқда

Бугунги кунда юртимизда ижтимоий ҳимояга муҳтож фуқароларни қўллаб-қувватлаш, инсонийлик ва ҳамжиҳатлик қадриятларини мустаҳкамлаш йўлида қўллаб-қувватлаш амалга оширилмоқда. Шундай хайрли ишлардан бири туманда ўтказилган “Маърифат ва саховат карвони” хайрия тадбирлари бўлиб, у меҳр-оқибат, маърифат ва саховатга асосланган ижтимоий ҳаракат сифатида эътиборга лойиқдир.

Мазкур карвон доирасида Республика ишчи гуруҳи, ҳоким ўринбосарлари, туман кенгаши депутатлари, маҳалла раислари, хотин-қизлар фаоллари, ёшлар етакчилари ҳамда корхона ва ташкилотлар вакиллари иштирок этиб, туман бўйлаб ижтимоий ҳимояга муҳтож оилалар ҳолидан



хабар олишмоқда. Уларнинг дарадини тинглаб, мавжуд муаммоларига ечим топишга ҳаракат қилинмоқда.

Бу жараёнда нафақат моддий ёрдам, балки маънавий кўмак, юртдошларимиз қалбига илиқлик улашиш, фарзандлар тарбияси, оила муҳитини мустаҳкамлаш каби қўллаб-қувватлаш масалаларга ҳам алоҳида эътибор қаратилмоқда.

“Маърифат ва саховат карвони” бу шунчаки тадбир эмас. Жамиятда меҳр-оқибат муҳитини шакллантириш, ўзаро ғамхўрлик ва масъулият ҳиссини кучайтириш йўлидаги муҳим қадамлардан биридир. Эзгулик элчилари сифатида иштирокчилар ҳар бир хонадон, ҳар бир юртдош қалбига ёруғлик олиб киришмоқда.

Ёрқин АБДУЛЛАЕВ

BUGUNNING GAPI

Хурматли ва азиз фермерлар!

Бугунги глобал иқтисодий ва экологиявий шароитда дунёда озиқ-овқат етишмовчилиги юзага келиш хавфи ортаётган бир пайтда, қишлоқ хўжалигида мавжуд имкониятлардан самарали фойдаланиш, юқори ҳосил олиш ва озиқ-овқат экинларини кўпайтириш муҳим вазифага айланмоқда. Шу мураккаб шароитда деҳқон ва фермерларимиз барчадан кўра масъулиятли ва фидокорона меҳнат қилмоқда.

Азалдан халқимиз нонни улуғ неъмат сифатида қадрлаб келган. Етиштирилган ҳосилнинг ҳар донасини нест-нобуд қилмасдан йиғиштириб олиш деҳқон меҳнатининг бир қисми ҳисобланади. Энди эса асосий вазифа — ғалладан бўшаган 900 минг гектар ерларга такрорий экинларни ўз вақтида экиш, юқори ҳосилдорликка эришиш ва аҳоли дастурхонини тўқин қилишдир.

Сўнгги йилларда фермер ва деҳқонларимизнинг самарали меҳнати, илмий асосланган агро-технологиялардан фойдаланиш, бозор механизмларининг кенг жорий қилиниши эвазига соҳада-

ЎЗБЕКИСТОН ФЕРМЕРЛАРИ КЕНГАШИНING МАМЛАКАТИМИЗ ФЕРМЕР ВА ДЕҲҚОНЛАРИГА МУРОЖААТИ

ги иш самарадорлиги ва даромаддорлик ортиб бормоқда. Илгари фойдаланилмаган ерлар ўзлаштирилмоқда, кластерлар билан ҳамкорлик кенгаймоқда.

Фермер ва деҳқонларимиз мамлакат тараққиёти, аҳоли турмуш даражасини ошириш ва камбағалликни қисқартиришга катта ҳисса қўшмоқда. Ёшларга ер ажратиш бўйича Президентимиз ташаббусини қўллаб-қувватлаш натижасида қарийб 60 минг гектар ер ажратилиб, тажрибали фермерлар томонидан ёшларга қўмак кўрсатилмоқда.

Бундай ерларда деҳқончилик қилаётган шижоатли, ғайратли ёшларимиз бугун биринчи ҳосилни йиғиштириб олишяпти ва иккинчи экинни экишни бошлаб юборишди.

Натижада, 200 мингдан ортиқ ёшлар мавсум давомида 10–15 миллион сўм миқдорида даромад олиш имкониятига эга бўлмоқдалар.

Хурматли фермерлар!

Бошоқли дон ҳосилини йиғиштириш, ғалладан бўшаган ерлардан самарали фойдаланиш, экспортбоп сабзавот ва полиз маҳсулотлари етиштиришда масъулиятингизни янада ошириш мақсадида қуйидаги чора-тадбирларни амалга оширишингизни сўраймиз:

Биринчидан, етиштирилган бошоқли донни қисқа муддатда, йўқотишларсиз йиғиштириб олиш учун зарур ташкилий ва моддий-техникавий чораларни кўринг;

Иккинчидан, ғалладан бўшаган ерларни сомондан тезкорлик билан тозалаш, шудгорлаш ва экишга тайёрлашни ташкил этинг;

Учинчидан, уруғлик ва кўчат ва шудгорлаш ишларини амалга ошириш учун Фермерлар кенгаши ҳузуридаги Жамғармадан 18 ойга кам фоизли кредит олинг;

масалалари атрофлича муҳокама қилинди.

Шунингдек, норасмий никоҳ асосида яшаётган оилаларнинг ҳуқуқий мақомини мустаҳкамлаш, низоли оилалар билан индивидуал ишлаш ва хотин-қизлар ўртасида ҳуқуқбузарлик ҳамда жиноятчиликнинг олдини олиш бўйича таклиф ва чора-тадбирлар илгари сурилди.

Тадбир доирасида хотин-қизлар бандлигини таъминлашга алоҳида эътибор қаратилиб, уларни касбга ўқитиш имкониятлари ва мавжуд бўш иш ўринлари ҳақида маълумотлар тақдим этилди.

Ўз мухбиримиз

OSHIQ MULOQOT

“Бирлик”, “Кичиксой”, “Кўктўнли” ва С.Хондойлиқий маҳалла фуқаролар йиғинларида истиқомат қилувчи хотин-қизлар иштирокида очик мулоқот тарзида учрашув бўлиб ўтди.

Аёл, оила ва жамият бир бўлса

Тадбирда туман оила ва хотин-қизлар бўлими бошлиғи Л.Шодиева, “Оқила аёллар ҳаракати” туман раҳбари М.Раҳметова, туман ИИБ хотин-қизлар масалалари бўйича инспектори М.Даурбаева қатнашди.

Учрашув давомида маҳалаларда “хавфсиз муҳит”ни яратиш, оилавий ажримларнинг олдини олиш, эрта турмуш ва эрта туғруқ ҳолатларига барҳам бериш, шунингдек, ўз жонига қасд қилиш ва бошқа ижтимоий муаммоларни бартараф этиш

DEPUTAT VA HAYOT

Фуқаролар муурожаати эътибор марказида

Ўзбекистон Республикаси Олий Мажлиси Қонунчилик палатаси депутати Моҳира Ходжаева ҳамда унинг ёрдамчиси Б.Қосимов, Ўзбекистон экологик партияси Тошкент вилояти Кенгаши раиси Ф.Ахмеджанов ва партиянинг Бўстонлиқ туман Кенгаши раиси Э.Саримсоқовлар тумандаги бир қатор ташкилотларда бўлиб, мавжуд муаммоларни ўрганиш, фуқаролар билан юзма-юз мулоқот қилиш ҳамда муурожаатларини эшитиш мақсадида жойлардаги ҳолат билан танишдилар.

Ташриф доирасида делегация туман тиббиёт бирлашмаси, “Раҳнамо сервис” МЧЖ ҳамда туман Халқ қабулхонасида бўлди. Ушбу муассасаларда фаолият олиб бораётган ходимлар билан суҳбат ўтказилиб, уларнинг кундалик иш жараёни, юзага келаётган муаммо ва талаблар тингланди.

Хусусан, тиббиёт бирлашма-

сида кадрлар етишмаслиги, моддий-техника базасини янгилаш, сифатли тиббий хизмат кўрсатиш учун замонавий ускуналар билан таъминлаш масалалари муҳокама қилинди. Шунингдек, хусусий сектор ва давлат ташкилотлари ўртасидаги ҳамкорлик истиқболлари юзасидан ҳам таклиф ва мулоҳазалар билдирилди.

Фуқаролар муурожаатларини ўрганиш жараёнида, айниқса, уй-жой, ижтимоий таъминот, атроф-муҳит муҳофазаси, иш ўринлари яратиш, тиббий хизматдан норозилик каби масалалар кўтарилди. Депутатлар ҳар бир муурожаатни диққат билан ўрганиб чиқиб, тегишли ташкилот ва мутасаддиларга ижобий ҳал этиш юзасидан топшириқлар бердилар.

Мазкур ташриф Ўзбекистон экологик партиясининг халқ билан яқин мулоқотда бўлиб, жойлардаги ҳақиқий ҳолатни ўрганиш, ҳал этилиши лозим бўлган масалаларни аниқлаш ва уларнинг самарали ечимига қўмаклашиш борасидаги амалий ишларнинг яна бир ифодаси бўлди.

Сизга зарур ёрдам кўрсатилади.

Айниқса, 15–20 сотих ерда деҳқончилик билан шуғулланаётган фуқаролар ўртача 8–10 миллион сўм даромад олишлари мумкин. Бу орқали сизлар ёшлар, аёллар ҳамда хориждан қайтган фуқароларни иш билан таъминлашда муҳим роль ўйнайсиз.

Азиз ва қадрли фермерлар!

Халқимиз сизларни “ризқ-рўзимиз бунёдкорлари” сифатида ардоқлайди. Сизнинг шижоат ва меҳнатингиз туфайли дастурхонимиз тўқин, бозорларимиз арзон ва турмушимиз фаровон бўлади.

Мамлакатимиз озиқ-овқат хавфсизлигини таъминлашда фермер ва деҳқонларнинг ўрни бекиёсдир. Биз барчангизни Юртбошимиз ишончини оқлаш, юртимиз равнақи ва халқ фаровонлиги учун ҳалол, сидқидилдан меҳнат қилишга чақирамиз.

Сизларга сихат-саломатлик, эзгу ишларингизга қут-барака тилаймиз. Бу йилги мавсумда ҳам улкан хирмонлар барпо этиб, халқимиз олдида юзимиз ёруғ бўлиши ҳаммамизга насиб этсин!

**ЎЗБЕКИСТОН
ФЕРМЕРЛАРИ КЕНГАШИ**

“DOLZARB 90 KUN”

Соғлом турмуш тарғиботи сари

Таълим, ижод, спорт, касб-хунар қолаверса, соғлом турмушни ўз ичига қамраб олаётган “Долзарб 90 кун” тадбирлари туманда давом этмоқда. Хусусан, 15-сонли умумтаълим мактабида бу борада амалга оширилаётган ташаббус ва лойиҳалар таҳсинга лойиқ.



“Китобхон ўқувчи”, “Мен тил ўрганмоқдаман”, “Кел, касб танлаймиз”, “Жадидларни танийсанми?” сингари бир-биридан қизиқарли машғулотлар ўғил-қизларнинг интеллектуал салоҳияти, нотиклиги, энг муҳими кадрият ва урф-одатларга ҳурмат руҳида камол топишида муҳим ўрин тутмоқда.

Айниқса, мактабда спорт тўғаракларига эътибор ўзгача. Футбол тўғаригага кўшни мактабнинг ўқувчилари ҳам келиб қатнашмоқда. Шахмат, шашка, волейбол, баскетбол, стол тенниси бўйича машғулотлар ҳам доимий ўтказилмоқда.

“Мактабимизда “Долзарб 90 кунлик” доирасида ташкил этилган спорт тўғарига машғулотларида 10 ёшгача, 17 ёшгача бўлган ўқувчилардан иборат жамоалар шакллантирилиб, мусобақаларга тайёргарликлар ўтказилмоқда. Қувонарлиси, фарзандларининг доимий бандлиги, спорт билан мунтазам шуғулланаётганини кўрган оталар, катта ёшли акалари ҳам айна кунда мактабимиз стадионида футбол ўйинларини ўтказишмоқда. Маҳалламизда бекорчи қолмаган, ҳамма мактабда”, – дейди мактаб директори Шерзод ака Фахриддинов

Бир сўз билан айтганда, 15 дан зиёд тўғараклар 493 нафар ўқувчиларнинг ихтиёрида. Ёзги таътил ёшларнинг ҳар томонлама фаол, ғайратли, ижодкор, билимли бўлишларига қўмаклашиш, вақтни мазмунли ташкил этиш, янги қирраларни кашф этиш жараёнига айланган.

KATTA HAYOT BO'SAG'ASIDA

8 июль куни Бўстонлик тумани 2-сон политехникумида “Оқ йўл сизга, азиз битирувчилар!” шиори остида тантанали диплом топшириш маросими бўлиб ўтди. Ушбу тўлқинланарли тадбирда 228 нафар битирувчи ўзининг илк касбий ҳаётига йўл олиш арафасида муваффақиятли якунланган таҳсил йилларининг гувоҳномаси — дипломни қўлга киритди.

“Оқ йўл сизга, азиз битирувчилар!”

Тадбирда битирувчилар ва уларнинг ота-оналари билан бир қаторда туман ҳокимлиги масъуллари, хотин-қизлар бўлими вакиллари, Халқ депутатлари туман Кенгаши депутати, политехникум раҳбарияти, ҳамкор иш берувчи ташкилотлар ва оммавий ахборот воситалари вакиллари иштирок этди.

Тантанали маросимда таълим муассасасини аъло баҳо билан якунлаган 17 нафар ёш мутахассисга имтиёзли дипломлар тантанали равишда топширилди. Шунингдек, таҳсил даврида фаоллиги билан ажралиб турган битирувчилар, уларнинг ота-оналари ҳамда таълим муассасаси билан самарали ҳамкорлик қилган иш берувчиларга ташаккурномалар тақдим этилди.

Тадбирда сўзга чиққанлар битирувчиларни самимий табриклаб, уларга келгусидаги меҳнат фаолияти ва ҳаёт йўлида омад ва зафарлар тиладилар. Шу билан бирга, таълим-тарбия жараёнида меҳнат қилган устоз ва мураббийларга миннатдорлик билдирилди.

Ушбу маросим ёшлар учун унутилмас хотира, келажакка ишонч ва илҳом манбаи сифатида эсда қоладиган воқеага айланди.



O'SIMLIKLAR KARANTINI

Цитрус экинларининг гоммоз касаллиги

Цитрус экинларининг паразитар ва нопаразитар гоммозларини ажратишади. Қандай гоммоз учрашидан қатъий назар, зарарланган дарахтларда физиологик жараёнлар бузилади ва дарахтдан шилимшиқ модда (елим) оқиши кузатилади. Елим ҳосил бўлишининг сабаби — дарахтларнинг механик жароҳат олган жойларида ярим паразит бактериялар ўрнашиб, улар дарахт хужайраларини қичитиши ҳисобланади.

Паразитар гоммоз касаллигини бир қанча микроорганизмлар замбуруғлари қўзғатиши гумон қилинади. Нопаразитар гоммоз дарахтларни чуқур ўтқазиш, тупроқнинг ортиқча намлиги, азот ўғитларини керагидан ортиқ солиш, илдизни совуқ уриши, пояни офтоб куйдириши, дарахт механик жароҳатлаши, зич ва огир тупроқларда илдиз нафас ола олмаслиги ва

бошқа факторлар таъсирида ривожланади.


Касаллик белгилари ва ривожланиши. Зарарланган дарахтлар поясининг қобиқларида шишлар пайдо бўлади, улардан шаффоф, тилларанг-сарик ёки кўнғир тусли, чўзилувчан ва ҳавода тез қотувчи суюқлик – елим оқади.

Баъзан зарарланган поялардан елим оқмайди, фақат поя қо-

биғи нобуд бўлиши, унинг баъзи қисмлари чатнаши ва кўчиши натижасида яралар ҳосил бўлади. Одатда гоммоз дарахт поясининг пастки қисмида (илдиз бўғзида) пайдо бўлади, кейин поянинг юқори қисмига, скелет шохларига ҳамда пастга, илдизларга тарқалади. Кучли зарарланган дарахтларнинг барглари сарғаяди, аста-секин қурийд ва тўкилади. Зарарланган қобиқ қурийд ва кўчиб кетади, дарахтнинг ёғоч қисми очилиб қолади. Зарарланган илдизлар нобуд бўлади. Гоммознинг зарари касал дарахтлар меваларининг сифати пасайиши ҳамда зарарланган дарахтлар тез нобуд бўлиши билан ифодаланади.

Кураш чоралари. Агротехника қоидаларига қатъий риоя қилиш, ниҳолларни тўғри парваришlash, илдиз бўғзи тупроқ билан қўмилиб қолишига йўл қўймаслик, тупроқни мунтазам юмшатиб туриш, тупроқ намлиги керагидан ортиқ бўлмаслигини таъминлаш, траншеяларни мунтазам шамоллатиб туриш, профилактика мақсадида, кузда траншеялар устини ёпишдан олдин ва баҳорда усти очилганидан кейин дарахтларга 1%ли

Зарпечак ва унга қарши кураш



ривожланишига қулай шароит яратади. Шу сабабли, фитосанитария хизматлари томонидан мевали боғларда мунтазам дала кузатувлари, мониторинг ва профилактик тадбирлар ўтказилмоқда. Зарпечакка қарши курашда профилактик, агротехник ва кимёвий усулларнинг уйғунлиги талаб этилади. Бунда зарарланган ўсимликни илдизи билан бирга юлиб, майдондан чиқариб ташлаш, уруғлар орасида зарпечак уруғининг йўқлигига ишонч ҳосил қилиш, сув иншоотлари атрофидаги бегона ўтларни тозалаш муҳимдир. Зарпечак кенг тарқалган майдонларда эса ўсимликлар тагидан ўриб олиниб, гербицидлар – азимсульфурон, римсульфурон, фулроксипир ёки галоксироп-R-метил моддалари билан даволаш ишлари олиб борилади.

Зарпечакнинг мевали боғларга, айниқса, экспортга мўлжалланган маҳсулотлар ҳосилдорлигига ва сифати пасайишига олиб келиши уни иқтисодий жиҳатдан хавfli бегона ўтга айлантиради. Шу сабабли унга қарши кураш чоралари илмий асосда олиб борилиши, доимий назоратда тутилиши ва фермерлар ўртасида кенг тарғиб қилиниши зарур. Бу борада фитосанитария инспекторлари, деҳқон ва боғбонларнинг ҳамкорликдаги ҳаракати юртимиз мевачилигининг барқарор ривожини учун муҳим омиллардан биридир.

**Н.МАҲКАМБОВА,
Д.ШОСАЛОВ,
вилоят ўсимликлар
карантини ва ҳимояси
бошқармаси туман бўлими
давлат инспекторлари**



MUNOSABAT

Ногиронлиги бўлган шахслар ва пенсия

TA'TIL GASHTI

Жонибек ТУСМАТОВ,
Иқтисодиёт ва молия вазирлиги ҳузурида-
ги бюджетдан ташқари Пенсия жамғармаси
туман бўлими бошлиғи

Хавотирга

асло ҳожат йўқ



Пенсия тизимида киритиладиган ҳар қандай ўзгартиришлар, жумладан, пенсия ёшига оид масалалар ҳам, албатта, кенг жамоатчилик муҳокамасидан сўнг, халқнинг фикри ва манфаатларини инобатга олинган ҳолда босқичма-босқич амалга оширилади.

Жонибек ТУСМАТОВ,
Иқтисодиёт ва молия вазирлиги ҳузуридаги бюджет-
дан ташқари Пенсия жамғармаси туман бўлими бошлиғи

Кутубхона бўйлаб

таассуротга бой ва унутилмас саёҳат

биётлар билан таништирилди ва ўзларини қизиқтирган саволларига жавоб олдилар. "Ким кўп шеър ёдлай олади?" мавзусида шеърхонлик мусобақаси ҳам бўлиб ўтди.

SO'RAGAN EDINGIZ

Ҳайдовчилик гувоҳномасини олиш тартиби соддалашди

Вазирлар Маҳкамасининг 2023 йил 12 апрелдаги Миллий ҳайдовчилик гувоҳномасини расмийлаштириш тартибини соддалаштиришнинг қўшимча чора-тадбирлари тўғрисидаги 152-сонли қарорига асосан, ариза берувчи ЯИДХП орқали миллий ҳайдовчилик гувоҳномасини олиш бўйича белгиланган тартибда сўровнома тўлдирган вақтда, почта орқали етказиб бериш хизматини ҳам танлаши мумкин.

Почта хизмати ходими тайёр бўлган миллий ҳайдовчилик гувоҳномасини ДХМдан олгандан сўнг, ариза берувчи билан телефон орқали боғланиб, сўровномада кўрсатилган манзилга (Тошкент шаҳри ва вилоятлар марказида бир иш куни, қолган ҳудудларда икки иш куни ичида) миллий ҳайдовчилик гувоҳномасини етказиб беради.

С.ЮСУПОВ,
туман адлия бўлими бошлиғи

Одоб-ахлоқ

қоидаларига риоя қилинг

Қонунчиликка кўра, давлат фуқаролик хизматчилари томонидан одоб-ахлоқ қоидаларига риоя этмаганлик уларга нисбатан ахлоқий ва интизомий таъсир чораларини қўллашга асос бўлади.



Одоб-ахлоқ комиссияси давлат хизматчисига нисбатан интизомий таъсир чорасини қўллаш учун давлат органлари ва ташкилотлари раҳбарига тақдимнома кiritиши мумкин.

А.АБДУҒАФФАРОВ,
туман адлия бўлими ЮХКМ
бош юрисконсулти



Транспорт

воситалари тезлиги ўзгарди

Нукус ва Тошкент шаҳарларида, вилоятлар ва туманларнинг марказларида, шунингдек, шаҳарлар ҳудудларида транспорт воситаларининг тезлигини соатига 60 километрдан оширмасдан ҳаракатланишга рухсат этилади.

Асилбек РАЖАБОВ,
туман адлия бўлими ЮХКМ бош юрисконсулти

«Ёшлар дафтари» — ижтимоий, иқтисодий, ҳуқуқий, психологик қўллаб-қувватлашга, билим ва касб ўрганишга эҳтиёжи ва иштиёқи бўлган, ишсиз ёшларнинг муаммоларини аниқлаш, бартараф этиш ва назоратини олиб бориш бўйича маълумотлар базаси.

Кимлар «Ёшлар дафтари»га киритилади?

Эрали ХУШМУРОДОВ,
туман адлия бўлими ДХМ бош мутахассиси

MAVSUM MAS'ULIYATI

Кичик ҳажмли кемалар фаолияти назоратга олинди

Чорвоқ сув омбори атрофидаги дам олиш масканлари ва пляж зоналарида фаолият юритаётган кичик ҳажмли кемалар эгалари билан профилактик рейдлар ўтказилмоқда.



Ушбу тадбирлар Ўзбекистон Республикаси Фавқуллодда вазиятлар вазирлиги, вилоят Фавқуллодда вазиятлар бошқармаси ҳамда туман ихтисослашган кўп тармоқли бошқармаси ҳамкорлигида амалга оширилмоқда.



Рейдлар давомида кичик ҳажмли кемалар эгалари билан суҳбатлар ўтказилиб, хавфсизлик қоидалари эслатиб ўтилмоқда. Шунингдек, Ўзбекистон Республикаси Вазирлар Маҳкамасининг

2024 йил 4 сентябрдаги 540-сонли қарори ижросини таъминламаган кемалар эгалари аниқланиб, уларга нисбатан маъмурий чоралар кўрилмоқда.

Мазкур тадбирларнинг асосий мақсади фуқароларнинг ҳаёти ва соғлиғини ҳимоя қилиш, сувда хавфсизликни таъминлаш ҳамда қонунбузарликларнинг олдини олишдир.

BIZ BILGAN VA BILMAGAN BO'STONLIQ

Икристима ота тарихий-маънавий хазина

Бўстонлиқнинг елкалари тоғлар билан суяниб ётган, юраги эса мўътабар тарих билан уради. Бу юрт – нафақат табиатнинг гўзаллиги, балки юракдан-юракка ўтган қадим силсилалар, диний-маърифий масканлар юрти. Чимбойлик қишлоғида жойлашган Икристима ота зиёратгоҳи ана шундай тарихий-маънавий хазиналаримиздан биридир. У нафақат зиёратгоҳ, балки халқ эътиқодида, юракларда тириклик берувчи руҳий қалъа, дардга даво, ниятга тавалло маскандир.

Икристима ота – халқ орасида «Ҳазрати Икристима», «Икристима бобомиз» номлари билан тилга олинади. Зиёратгоҳ манбаларида у зотнинг тўлиқ исми Икристима ибн Абу Жаҳл сифатида тилга олинади. Тарихий исломий манбаларга кўра, Икристима ибн Абу Жаҳл дастлаб Расулulloх (САВ) даъватига қарши чиққан, бироқ кейинчалик исломни қабул қилиб, жонқуяр саҳобалардан бирига айланган. Айнан у зот ҳақида: “Душманликдан дўстлик сари ўтган, жаҳлатдан ҳаққа етган инсон” дея тарих битади. Зиёратгоҳнинг ҳозир-

ги ҳолати Чимбойлик қишлоғи тепалигида жойлашган. У қадимда бу ҳудуддан ўтган ислом даъватчиларининг тўхташ жойларидан бири бўлган деб ҳисобланади. Зиёратчилар орасида авлоддан-авлодга ўтган ривоятларга кўра, Икристима отанинг бу масканга келиб, диний тарғибот билан шуғулланганлиги, шу ерда яшаб, охир-оқибат дафн этилганлиги айтилади. Маҳаллий аҳолининг Икристима ота зиёратгоҳига бўлган муносабати чуқур ҳурмат ва ихлосга тўла. Ҳар йили, айниқса, Рамазон ойида, ҳайит кунларида, му-

QISHLOQ XO'JALIGI

Тошкент вилоятида ғалладан бўшаган ер майдонларига жами 20 000 гектар кечки картошка экиш режалаштирилган бўлиб, ушбу режадан Бўстонлиқ тумани ҳиссасига 1000 гектар ер майдони тўғри келди.



Кечки картошка экишдаги замонавий технологиялар

Мазкур топшириқ ижросини таъминлаш мақсадида бугун “БЎСТОНЛИҚ КАРТОШКАЧИЛИК МАРКАЗИ” МЧЖга қарашли ер майдонларида кечки картошка экиш бўйича амалий семинар ташкил этилди.

Семинарда Тошкент вилоятининг турли туман-

ларидан ташриф буюрган фермер хўжаликлари вакиллари иштирок этдилар. Улар кечки картошка етиштириш технологиялари, агротехник тадбирлар ва уруғ танлаш бўйича тажриба алмашдилар.

Тадбирда вилоят ҳокимининг қишлоқ ва сув хўжали-



ги масалалари бўйича биринчи ўринбосари Хуршид Қорабоев, Бўстонлиқ тумани ҳокими Жўрабек Ахмедов ҳамда бошқа мутасадди ташкилотлар вакиллари қатнашиб, ер майдонларида олиб борилаётган ишлар билан танишдилар.

Амалий семинар давомида фермерларга кечки картошка етиштиришда самарадорликни ошириш, агротехника қоидаларига қатъий амал қилиш, сув тежовчи технологиялардан фойдаланиш бўйича тавсиялар берилди.



ларни чуқурроқ ўрганиш, ёш авлодга етказиш борасида ҳам долзарб аҳамиятга эга.

Туман ҳокимлиги, маҳаллий нуронийлар, тарихчилар бу борада турли тадбирлар, очиқ сабоқлар, маънавий кечалар ташкил этмоқда. Айниқса, Чирчиқ давлат педагогика университетининг талабалари бу ерга ташриф буюриб, тарихий воқеликни амалий ҳис қилиш орқали таълим олишмоқда. Зиёратгоҳ атрофида ободонлаштириш ишлари олиб борилиб, сайёҳлик имкониятларини ривожлантириш чоралари кўрилмоқда. Бу эса, яқин келажакда Икристима ота масканининг диний туризм нуқтаи назаридан ҳам муҳим объектга айланиши-

га йўл очади. Хулоса ўрнида айтиш жоизки: Икристима ота зиёратгоҳи – бу оддий тош, тупроқ эмас. Бу – эътиқоднинг бекиёс тимсоли, тарихнинг садоси, руҳиятнинг қуввати, халқ донишмандлигининг самимий инъикоси.

Бўстонлиқ бағридаги бу муқаддас маскан, аслида ҳар бир юртдошнинг қалбидаги имон, сабр, сабоқчилик ва сабр билан қадам ташлаш йўлидаги илҳомдир. Биз бу зиёратгоҳни фақат зиёрат эмас, балки тарихимиз, ўзлимизни англатувчи муқаддас манба сифатида қадрлашимиз, уни авлодларга иззат ва ҳурмат билан етказишимиз лозим.

Иброҳим ЭРҒАШОВ,
талаба

Қиз фарзанд – оила-нинг гули, жамиятнинг иффати, миллатнинг келажаги ҳисобланади. Уларнинг тарбияси фақат она ёки оила вазифаси эмас – балки бутун жамиятнинг, ҳар бир инсоннинг бирдек масъулиятidir. Чунки тарбияланган қиз — нур таратувчи она, меҳрибон умр йўлдош, билимли авлод тарбияловчи устоз бўлиб вояга етади.

Бугунги кунда ахлоқий таъдидлар, бегона маданият таъсири ва турли ёт ғоялар орқали фарзандларимизнинг онгига салбий таъсир кўрсатиш ҳолатлари ортиб бормоқда. Ана шундай шароитда қизларимизни миллий ва маънавий қадриятларимизга мос, ҳаё, одоб ва ифбат асосида тарбиялаш ҳар қачонгидан ҳам муҳим.

USTOZLAR MINBARI

Интегратив ёндашувлар орқали педагогларнинг қобилиятини ривожлантириш

Бугунги таълим жараёни педагогдан нафақат ўз фанининг чуқур билимини, балки замонавий методларни қўллаш, ўқитиш усулларини такомиллаштириш, ижодий фикрлаш ва мослашувчанликни талаб этади. Педагогларни ижобий ривожлантиришда интегратив ёндашувлар муҳим ўрин тутати. Таълим тизимида педагоглардан фақатгина билим беришни эмас, балки уларнинг ижодий фикрлаши, янги педагогик ғояларни ишлаб чиқиши ва замонавий ёндашувларни амалиётга жорий этишини талаб этмоқда. Бу борада интегратив ёндашувлар муҳим ўрин тутати. Чунки бундай ёндашув педагогларни кўп қиррали, ижодкор ва илғор фикрловчи мутахассис сифатида шакллантиришга хизмат қилади. Педагог нутқининг ифодалилиги унинг ижодий ривожланишининг калитидир.

Бугунги замонавий таълимда ўқувчининг мустақил фикрлаши, ижодий ёндашуви ва эркин нутқ қобилиятини ривожлантириш асосий вазифалардан биридир. Бу жараёнда педагог шахсияти, айниқса,

қизларимиз билимли бўлсин — чунки билим унинг қалқони. У юракдан гўзал, лекин ақлдан ҳам ўткир бўлсин — чунки ҳаётда унга иккиси ҳам керак бўлади. У ҳаёли, лекин жасур; мулойим, лекин ўз ҳақини биладиган; муҳаббатга суянган, лекин ақл билан қарор чиқарадиган аёл бўлиб вояга етсин.

Биз, катталар, аввало уларга қандай қараш билан, қандай сўз билан, қандай муносабат билан муомала қилишни ўйлаб кўришимиз керак. Қиз фарзандга муҳаббат ва ишонч бериш, уни эшитиш, тушуниш, қўллаб-қувватлаш жуда муҳим.

Қиз фарзандни "эртага турмушга чиқади" деб эмас, балки

"эртага жамиятга хизмат қилади", "фойдали шахс бўлади", "миллат ва оилага шараф келтиради" деб тарбиялашимиз шарт. Унинг орзу-умидлари, салоҳияти ва истеъдоди учун имконият яратиш – бу жамиятнинг тараққиётига қўйилган энг муҳташам қадам бўлади.

Ҳар бир оилада қиз болага меҳр, одоб, ибрат, ҳаё, меҳнат-севарлик ва масъулият ҳиссини ўргатиш — биз барчамизнинг улкан бурчимиздир. Бундай тарбияланган қизлар келажакда юртимизнинг маънавий устун, оилаларимизнинг, элнинг фахри бўлиб етишади.

Биз, маҳалла раислари доимо оилаларда тарбия масала-



сига эътибор қаратиш, айниқса, қизлар тарбиясида ҳамкорликда иш олиб боришга тайёрмиз. Ҳар бир фуқаромиздан ҳам шу йўналишда фаоллик ва масъулият кутамиз.

Қиз тарбияси — миллат тарбиясидир. Қиз фарзанд — бу юртнинг ўзига хос бойлиги ва маънавий ёдгорлигидир

Нурзия ҚУРБАНАЛИЕВА,
"Толеби" МФЙ раиси



унинг нутқи нафақат маълумот етказиш воситаси, балки ўқувчи онгига таъсир этувчи кучли тарбия омилидир. Педагог қайси фандан дарс беришидан қатъи назар нотикликни ўзида шакллантира олса, ижодий ривожлана олади. Интегратив ёндашув - бу бир нечта фан, услуб ва методларни уйғунлаштириш, уларни ўзаро боғлиқ ҳолда ўқитиш ва ўрганиш усулидир. Бу усул педагогларни фақатгина назарий билим билан эмас, балки амалий ижодкорликка ҳам етаклайди.

Нега педагогларни ижодий ривожланишда интегратив ёндашув самарали?

1. Фикрлар хилма-хиллигини очиб беради, бир нечта соҳалар ўртасидаги боғланиш педагогга янги қараш ва ғоялар уйғотади.

2. Дарсларни жонли ва қизиқарли қилади, масалан, адабиёт дарсида мусиқа, театр, тарих элементларини қўллаш ижодий ёндашувни талаб қилади.

3. Педагогга мураккаб муаммоларни ечиш қобилиятини шакллантиради, бу эса янги ғоялар, услублар, материаллар яратишга ёрдам беради.

4. Таълимда инновацияларни қўллашга йўл очади, замонавий технологиялар билан интеграция жараёнида ўқитувчи доимий равишда ўзини ривожлантириб боради.

Мактабларда STEAM модели асосидаги дарслар педагогга янги қараш ўқитиш услубларини ўрганишга ундайди. Адабиёт ва театрни уйғунлаштирган ҳолда ўтказилган ижодий машғулотлар педагогга нотиклик, саҳналаштириш ва ижодий дастур ёзиш қобилиятини ривожлантиради. Пичокни ўткирлаш, кесмагани сингари педагог борингки, барча шахслар камида кунига бир саҳифа китоб ўқиса, зеҳни ўткирлашади, фикр доираси рағбатланади.

Жамоат ичида фаҳм-фаросат каби тушунчалар кесимида аҳоли нутқи рағбат, тоза бўлиши учун оилада ота-она фарзандларига ўрнатилган бўлиши, яъни ҳар бир ота-она оила давра-сида болалари учун педагог бўлишлари лозим. Бола ўқув даргоҳида устоздан керакли маълумотларни ўзлаштиради, бевосита билвосита оиладаги муҳит ота-онадан ҳам бола ўзига керакли жиҳатларни ўзлаштиради. Педагогнинг вақтлари

режа асосида тақсимланса, бу унинг келажакдаги юқори натижаларни эгаллаши учун пойдевор, наинки режалардан маънан ва руҳан ривожланади, юксалади. Демак, фарзанд етук касб эгаси бўлиши учун ота-она ҳам ўзида қайси касб эгаси бўлишидан қатъи назар педагог-лик маҳоратни такомиллаштириши лозим.

Интегратив ёндашувлар нафақат таълим жараёнини самарали ташкил этиш воситаси, балки педагогларнинг ижодий салоҳиятини олиш, уларни янги ғоялар ва инновацияларга тайёрлашнинг муҳим услубидир. Шу боис ҳар бир педагог ўз фаолиятида интегратив ёндашувларни жорий этиш ва улар орқали шахсий профессионал ўсишга эришиш мақсадга мувофиқдир.

Интегратив ёндашув нафақат таълим мазмунига, балки инсон психологиясига ҳам таъсир қилган ҳолда қўйлади. Айниқса, педагогларнинг ижодий ривожланишида қўйидаги психологик механизмлар муҳим аҳамиятга эга:

Мотивация – педагог ўз фаолиятида янги усул ва ёндашувларни қўллашга қизиқиши

лозим.

Ижодий тасаввур – маълумотларни нафақат қабул қилиш, балки қайта ишлаб, янги шаклда тақдим этиш қобилияти.

Рефлексия – ўзи ўтказган дарсни таҳлил қилиш, муваффақият ва камчиликларни аниқлаш.

Интегратив ёндашув педагогга нафақат ўқитувчи, балки тадқиқотчи ва ижодкорга айлантиради. У ўзи учун "тестлаб кўрувчи муҳит" яратади ва доимий изланишда бўлади. Бу эса касбий етуклик ва шахсий камол топишга олиб келади.

Хулоса шуки, интегратив ёндашувлар педагогларни ривожлантиришда муҳим ўрин тутати. Ушбу ёндашув педагогнинг касбий ва шахсий ўсишига, таълим сифатининг ошишига ҳамда ўқувчилар билан самарали мулоқот олиб боришига хизмат қилади. Замонавий педагогик методларни уйғунлаштириб, таълим жараёнини инновацион ёндашувлар билан бойитиш педагогик ривожланишнинг асосий омилларидан бири ҳисобланади.

Дилноза КАРИМОВА,
5-сонли мактабнинг мусиқа фани ўқитувчиси

HUQUQIY SAVODXONLIK

Назарда тутилган пенсия ёшига тўлган фуқароларга ёшга доир пенсия улардан мурожаат талаб этилмаган ҳолда (проактив шаклда) тайинланади. Бунда фуқаронинг ёшга доир пенсияга бўлган ҳуқуқи ушбу Қонунда белгиланган шартлар ва нормаларга мувофиқ ахборот тизимларидан олинган маълумотларга асосан аниқланади.

Проактив шаклда пенсия тайинлаш тартиби

Фуқаронинг пенсияга бўлган ҳуқуқини аниқлашда пенсиянинг миқдори ҳисоб-китоб қилинади ва пенсия тайинланади.

Агар фуқаро унинг мурожаатисиз (проактив шаклда) тайинланган пенсия миқдоридан норози бўлса ёки меҳнат фаолиятини давом эттириш ва кейинчалик ёшга доир пенсияга чиқиш истагини билдирса, у тайинланган ёшга доир пенсияни рад этиш ҳуқуқига эга. Бунда фуқаро хабарномани олган кундан эътиборан ўн кун ичида Пенсия жамғармаси бўлимига ариза билан ёхуд Ўзбекистон Республикаси Адлия вазирлиги давлат хизматлари маркази ёки Ўзбекистон Республикасининг Ягона интерактив давлат хизматлари портали орқали сўровнома тўлдирилган ҳолда мурожаат қилиши керак.

Фуқаронинг мурожаатини талаб этмаган ҳолда (проактив шаклда) пенсия тайинлашнинг имкони бўлмаган ҳолларда, пенсия фуқаронинг мурожаатига асосан тайинланади.

Дилноза ИСРАИЛОВА,
БТПЖ бўлими бошлиғи ўринбосари

MUTAXASSIS MASLAHAT BERADI

Дарахтлар суғорилмаса...

Бизга маълумки, дарахтлар шовқинларни камайтиришни, кушлару ҳайвонлар, тирик жонзотларга ин ва озуқа манбаи бўлиш, ер эрозиясини олдини олиш, чанг, ғуборларни ютиши билан ҳам жуда аҳамиятли эканлигини биламиз.

Қолаверса, инсонларни турмуш тарзида, яъни уй-жойидан тортиб кундалик маиший жиҳозларда соғлом ва тўкин яшашида уларнинг фойдаси бекиёс.

Шунинг учун аждодларимиз оилада фарзанд туғилса эзгу тилаклар билан ниҳоллар экишган.

Мазкур анъана бугунги кунда янгича мазмун билан бойиб бормокда. Президентимиз ташаббуси билан “Яшил макон” умуммиллий лойиҳаси бўйича ҳар йили республикаимиз бўйича 200 миллион дона дарахт ва бута

қўчатларини экиш топшириғи берилган.

Ҳозирги жазирама иссиқда ҳатто автоуловларимизни жойлаштириш учун ҳам дарахт сояларини излаймиз.

Биз аҳамияти бебаҳо бўлган дарахтлардан шу даражада фойдаланишимизни қадрига етишимиз керак. Уларни муҳофаза қилиш билан бирга парвариш қилишимиз ҳам лозим.

Бугунги жазирама иссиқда савоб ишни ҳамма қилиши ва ҳар кун қилиши керак деган иборамиздан келиб чиқиб, дарахтларни имкон қадар суғориб, уларни жазирама

иссиқдан сақлаб қолиш Ўзбекистон экологик партиясининг устувор вазифаларидан бири деб ўйлаймиз.

Ҳурматли туманимиз аҳли! Она табиатимизни кўрки бўлган манзарали ва мевали дарахтларимизни жазирама иссиқдан сақлаб қолиш учун ҳаракат қилишни, бир ёқадан бош чиқариб ушбу мурожаатимизни амалга оширишимизни биргаликда қўллаб-қувватлайлик.

Эргаш САРИМСОҚОВ,
Ўзбекистон Экологик партияси туман Кенгаши раиси

KITOBXONLIK

Кун кеча Алишер Навоий номидаги Ўзбекистон Миллий кутубхонасида “Ипак йўли бўйлаб Марказий Осиёни ўрганамиз” лойиҳаси доирасида халқаро китоб тақдим этиш маросими бўлиб ўтди.

Тантанали очилиш маросими



Халқаро китоб тақдим этиш маросимида вилоят, шаҳар АКМ, туман АКМ ҳамда Хитой элчихонаси меҳмонлари ва шу қаторда туман АКМ ходимлари ҳам иштирок этдилар.

Алишер Навоий номидаги Ўзбекистон Миллий кутубхонаси директори Умида Тешабаева ташриф буюрган меҳмонларга илиқ фикрларини айтиб ўтдилар.

Тадбир сўнгида ҳамкорликни узоқ йиллар давом эттириш мақсадида “Ипак йўли китоб жавони”нинг тантанали очилиш маросими ўтказилди.

Илгана ГАДЖИЕВА

MOZIYDAN SADO

Халқпарвар маърифатчи тақдири

Тарихнинг қора сатрларида исмини йўқотган, аммо қалблар хотирасида порлаб турган сиймолар бор. Улардан бири – илм-маърифат йўлида жон фидо қилган, ўз халқининг эртанги кунини учун яшаган ва ҳалок бўлган маърифатпарвар, жадид адиби, педагог, турколог, таржимон Холид Саъиддир.

У 1888 йили Тошкент бағридаги Бўстонлиқ туманининг Қўшқўрғон қишлоғида дунёга келди. Унинг асл исми Холхўжа бўлса-да, кейинчалик у тарих саҳнасида Холид Саъид номи билан танилди. Оилада беш фарзанд орасида камтарин, аммо ғурурли ўсган бу ўғлон, ҳаётини илм ва ўқитувчиликка, миллатни уйғотишга бағишлади. Ёшлигида қишлоқ мактабида таҳсил кўрган Холид Саъид, кейинчалик Тошкентдаги “Бекларбеги” мадрасасида илм эгаллади. Бу ўринда у ўз замонининг илғор тафаккур эгалари – жадидлар ғоясига маҳлиё бўлиб, маърифат йўлини танлади. У 1914 йилгача Тошкентдаги янги усул мактабларида муаллимлик қилди, “Садои Туркистон”, “Садои Фарғона” каби жадид матбуотида “Ҳаёлий”, “Сайёҳ дарвеш” тахаллуслари остида мақолалар, шеърлар ёзди. Холид Саъид илм излаб 1914–1918 йилларда Туркияга боради, Истанбул университетиде тарих ва филология бўйича таҳсил олади. Бу таҳсил унга нафақат илм, балки муслмон Шарқининг миллий уйғониш ғоялари билан нафас олиш имконини берди. У Озарбайжонда, Ганжада фаолият олиб борар, ўқитувчиларга сабоқ берар, бир вақтнинг ўзида туркий халқ-

лар тақдирига дахлдор жараёнларда қатнашар эди. 1920 йилда бошланган Ганжа кўзғолони, совет истилоси сабабли у Туркистонга қайтади ва Тошкентда педагогик фаолиятини давом эттиради. Бироқ қалби Озарбайжонда қолган бу инсон 1922 йили яна Бокуга боради. У ерда ишчи факультетидан то педагогик курсларгача, ҳатто Ўзбекистон консул меҳмонхонасида ҳам хизмат қилади. Афсуски, ватанпарварлик ва миллий ғурур уни қамчи остига олиб киради. “Аксиланқилобий тарғибот” деган тўқима айб билан ишдан ҳайдалади. Шунга қарамай, Холид Саъид ижтимоий-маданий ҳаракатлар марказида бўлади. 1922 йилда Бокуда тузилган “Янги алифбо қўмитаси” аъзолари билан бирга совет туркий халқлари орасида лотин ёзувини тарғиб этиш сафарига яқин тутганини кўрсатади. Илмий мероси ҳам бекиёс. У “Усмонли, ўзбек, қозоқ тилларининг қиёсий синтаксиси”, “Мухтасар услубиёт”, “Озарбайжон мактаблари учун рус тили” каби илмий асарлар ёзган. Бундан ташқари, у Абдулла Қодирийнинг “Ўтган кунлар” романини озарбайжон тилига таржима

қилган илк таржимонлардан биридир. Унинг илм-фан йўлидаги хизматлари эъзига 1935 йилда фан номзоди даражаси ва доцентлик унвонига сазовор бўлади. Аммо шўро машинасининг ғазоби илмга, адолатга, виждонга парво қилмади. 1937 йил 3 июнь кунини Холид Саъид “миллатчи” ва “жосус” деган айблар билан ҳибсга олинади ва 12 октябрда Бокуда отиб ташланади. Унинг аёли, садоқатли умр йўлдоши Сора Ризо қизи ҳам ҳибсга олиниб, 14 йил Сибирда сургунда яшашга мажбур бўлади. Ватан соғинчи, ғам, изтироб ва қувғиндан ҳориган бу аёл 1955 йилда қайтиб келсада, умрининг охириги йилларини оғриқ билан ўтказади. Холид Саъид ҳаёти – бу бир инсоннинг фожиаси эмас, бутун бир авлоднинг, бир маърифатпарвар даврнинг фожиасидир. Унинг хотираси, илмий мероси, ватанга бўлган садоқати бизга сабоқ, ғурур ва масъулият юклайди. Бугун биз унинг номини қайта кашф этар эканмиз, жадидлар меросининг боқийлигига яна бир бор ишонч ҳосил қиламиз.

Иброҳим ЭРГАШОВ,
Чирчиқ давлат педагогика университети гуманитар фанлар факультети талабаси

SPORT

Шода медаллар соҳибига айланди

Туманимизнинг Сойлиқ қишлоғи ёшлари спорт соҳасида пешқадамлик қилмоқда десак муболаға бўлмайди.



11-умумий ўрта таълим мактабининг "Оғир атлетика" тўрагининг собиқ аъзоси Ҳайитбой Абдушукуров Қозоғистон Республикасида ўтказилган "Ўсмирлар ва ёшлар ўртасида Осиё чемпионати"да иштирок этди. Қўшни давлатнинг Астана шаҳрида бўлиб ўтган саралаш босқичида Ҳайитбой Абдушукуров она юртимиз шаънини муносиб ҳимоя қилди. Сойлиқ қишлоғининг ўғлини Ҳ.Абдушукуров даст кўтаришда — кумуш медаль, силтаб кўтаришда — бронза медаль, икки курашда (умумий) — бронза медаль соҳиби бўлди.

Шода медаллар соҳиби 1 та кумуш, 2 та бронза медалларини қўлга киритиб, устозлари ва биринчи мураббийи Шоҳрух Абдурахмоновнинг меҳнатларини ва ишончини оқлади. Келажак ҳаёти ва жаҳон чемпионатлари учун илк дадил қадамларини ташлади.

Бугунимиз эртаси бўлган Ҳайитбойга ютуқлар бардавом бўлишини тилаймиз.

Фотима АБДУРАҲМОНОВА,
Сойлиқ қишлоғи

BULOQ KO'Z OCHDI

Сижжаклик Жавоҳир-бек Жуманазаров ҳаётнинг эрта синовларига қарамай, қалбидаги нозик туйғуларни қоғозга кўчира олган истеъдод эгаси. Унинг сатрларида самимият, туйғуларида эса умид бор. У ижод орқали ўзининг чинакам овозини топмоқда.

Шеърият сари порлоқ йўл

СИЖЖАҚДА ТУФИЛГАН ЮРАК

Мен Сижжакда туғилдим, тоғлар бағрида,
Шу ерда улғайдим, шу ерда ўсдим.
Сўзга чиқолмадим, бахт минбарига,
Ҳаёт кўп синовлар улашди дўстим.

Бу қишлоқ ҳавоси менга куч берар,
Орзулар шаҳрига қадам ташлайман.
Воз кечма, ноумид шайтондир дерлар,
Шижоат қўлидан маҳкам ушлайман.

МЕН БАРДОШЛИМАН

Кун келиб ҳаётим нурга тўлади,
Орзулар ушалиб дардлар ўлади,
Йўлларим нурафшон ёруғ бўлади,
Мени кучсиз деманг, мен бардошлиман!

Қайғулар вақтинча, қайғулар меҳмон,
Юрагим эзилма, сен шунга ишон,
Аллоҳим куч бериб туради ҳар он,
Мени ожиз деманг, мен бардошлиман!

Жавоҳирбек ЖУМАНАЗАРОВ

MADANIYAT



Тадбир давомида меҳмонлар ёшларга ўз ҳаёт йўллари, ижодий изланишлари

Ижод ва ижодкор дунёси

14-сонли "Истиқлол" маданият марказида ёзувчи, муҳаррир ҳамда депутатлар иштирокида мазмунли учрашув ташкил этилди.

ва жамиятдаги фаоллиги ҳақида сўзлаб, фойдали маслаҳатлар беришди.

Ушбу учрашув ёшларда ватанпарварлик, интилувчанлик ва ижодкорлик руҳини янада мустаҳкамлашга хизмат қилди.



E'LON VA BILDIRUVLAR

"О.К.Сарвиноз Бурчмулла" оилавий корхонасига берилган думалоқ муҳр йўқолганлиги сабабли **БЕКОР ҚИЛИНАДИ.**

"Камронбек Асадбек" бизнес фирмасига берилган думалоқ муҳр йўқолганлиги сабабли **БЕКОР ҚИЛИНАДИ.**

"Бўстонлиқ овози" – "Бостандық даусы" газеталари таҳририяти жамоаси газетанинг собиқ бош ҳисобчиси Севара Йўлдошевага акаси

Комилжон Давлетовнинг

вафоти муносабати билан чуқур таъзия билдиради ва Яратгандан сабру қаноат тилайди.

YOZ — O'TMOQDA SOZI!



"Марказий" маҳалла фуқаролар йиғини ҳудудида жойлашган 2-ИДУМ қошида "Қувноқлар" деб номланган ёзги соғломлаштириш-чиниктириш оромгоҳи ҳам фаолиятини давр талабидан келиб чиқиб давом эттирмоқда. Куни кеча болажонлар хушманзара табиат қўйнида жойлашган "Оқтош" болалар соғломлаштириш оромгоҳида бўлишди ва бир олам таассуротлар билан қайтишди.

«Bo'stonliq ovozi»

ijtimoiy-siyosiy gazeta

Muassis:

Bo'stonliq tuman hokimligi

Bosh muharrir:

Abdisalik KULBAYEV

Navbatchi muharrir:

Ro'zmat ISMOILOV

ISSN 2181-6476



Tahririyatga kelgan qo'lyozma va suratlar egasiga qaytarilmaydi. Nashrimizdan ko'chirib bosilganda manba ko'rsatilishi shart. Gazeta tahririyat kompyuter markazida terildi va sahifalandi. Gazeta obuna yo'li bilan tarqatiladi.

Gazetaning bosilish sifatiga bosmaxona javob beradi.

Gazeta A3 bichimda «AZMIRNASHRPRINT» MCHJ bosmaxonasida chop etildi.

Korxona manzili:

Toshkent shahri,
Adham Rahmat ko'chasi,
10-uy

Gazeta Toshkent viloyati Axborot va ommaviy kommunikatsiyalar boshqarmasida 2012-yilning 18-iyunida 03-028 raqami bilan ro'yxatga olingan.

Nashr ko'rsatkichi — 290

Gazeta haftada bir marta, haftaning shanba kuni chiqadi.

Tahririyat hisob raqami
20210000600191855001
Bank kodi 00439
Toshkent shahri
«Garantbank» AJ.
STIR 200441221

Adadi: 1625
Buyurtma: 94
Bosishga topshirish
vaqti: 14-00
Topshirildi: 14-00 da

Manzilimiz:

110700,
Toshkent viloyati,
G'azalkent shahri,
Matbuotchilar ko'chasi,
24-uy.

Telefonlar:

(+99899) 802-03-53;
(+99890) 964-86-51